

今

水

經

黃宗羲學

中華書局

今水經

此據知不足齋叢
書本排印初編各
叢書僅有此本

今水經序

古者儒墨諸家其所著書大者以治天下小者以爲民用蓋未有空言無事實者也後世流爲詞章之學始脩飾字句流連光景高文巨冊徒充汙惑之聲而已由是而讀古人之書亦不究其原委割裂以爲詞章之用作者之意如彼讀者之意如是其傳者非其所以傳者也先王體國經野凡封內之山川其離合向背延袤道里莫不講求水經之作亦禹貢之遺意也鄺善長注之補其所未備可謂有功於是書矣然開章河水二字注以數千言援引釋氏無稽於事實何當已失作者之意余越人也以越水證之以曹娥江爲浦陽江以姚江爲大江之奇分若水出山陰縣具區在餘姚縣沔水至餘姚入海皆錯誤之大者以是而概百三十有七水能必其不似與歐陽原功謂郭璞作經鄺善長作注璞南人善長北人當時南北分裂故聞見有所不逮余以爲不然璞既南人而習南水矣其南水又不應錯誤至此後之爲水經之學者蔡正甫補正水經惜不獲見朱鬱儀水經注箋毛舉一二傳寫之誤無所發明馮開之以經傳相淆開用朱墨勾乙未曾卒業若鍾伯敬水經注鈔所謂割裂以爲詞章之用者也余讀水經注參考之以諸圖志多不相合是書不異汲冢斷簡空言而無事實其所以作者之意豈如是哉乃不襲前作條貫諸水名之曰今水經窮源按脈庶免空言然今世讀書者大抵鍾伯敬其人則簡樸之誚有所不辭爾甲辰除夕

今水經序

雙瀑院長黃宗義書

今水經表

北水。

河入海。

忽蘭水入河。

亦八思河入河。

納鄰哈刺河入河。

乞里出河入河。

鴨榕河入河。

遼水入河。

鳳林河入河。

浩聲河入河。 湟水入浩聲河。

洮水入河。

金水入河。

今水經表

一

今水經表

吃那河入河。奢延水入吃那河。

延水入河。

汾入河。涑入河。

渭入河。漳、清、汧、涇、沮入渭。馬蓮河入涇。漆入沮。

洛入河。澗、灋、伊入洛。

濟入河。汶入濟。

沁入河。

汴入河。須、鄭入汴。京入鄭。索入京。

遼入海。

大清河、小清河、珠子河、渾河、太子河入遼。

鴨綠江入海。

大蟲江入鴨綠江。

混同江入海。

松花江入混同江。黑龍江入松花江。

大凌河入海

小凌河入海

膠入海

鹵水、張奴水入膠

雜入海

丹入海

沽入海

墨入海

淄入海

純、時入淄

濼入海

漆入濼

白入海

黃花鎮川河入白
潮河入白

衛入海。

淇、漳、汶、潁、桑入衛。清入淇。沙、易入潁。溫、義入易。洋入桑。

淮入海。

汝、潁、滎、渦、濬、池、泗、邗、沫入淮。澧入汝。洧入潁。汴、沂、睢入泗。

南水。

江入海。

皂江入江。

大渡河入江。沫水入大渡河。

金沙江入江。大姚江、打沖河、濫水、滇池、牛欄江、馬湖、泉江入金沙江。大保河、渠濫州入滇。

永寧河入江。

資江入江。支江入資。

南江入江。

嘉陵江入江。巴、涪入嘉陵江。

烏江入江。翁首河、南明河、湘江、龍底江、思印江、河由江入烏江。

今水經表

入湖。泊水、建節水、德興、大溪入鄱。上饒江入湖。永平溪、玉溪、楮溪、白塔河、宋溪入上饒江。

修水入湖。

皖水入江。

池河入江。

大通河入江。

荻港入江。

漳淮入江。

青弋江入江。

巢湖入江。肥水、桃溪入湖。

秦餘入江。

滁河入江。襄水、清流水入滁。

北運河入江。

南運河入江。

太湖入海。

茗溪、荆溪入湖。

浙入海。

軒駐溪、壽昌溪、東陽水、桐江、浦陽江、錢清江、曹娥江入浙。

姚江入海。

靈江入海。

永寧江入海。

永嘉江入海。

安陽江入海。

連江入海。

建水入海。

東溪、西溪、南浦溪、松溪、樵溪、海溪、沙溪、尤溪入建水。

洛陽江入海。

晉江入海。

漳江入海。

今水經表

汀水入海。

廣江入海。右江會左江為廣江。

福祿江、融水、洛青江、牂牁江入右江。

白石江、瀟湘江、龍江、西江、八尺江、清江、武流江、秋風江、東班江、寶江入左江。

明江、崇善水、馱排

江、歸安水入龍江。

烏江、白馬江、繡江、入廣江。

灘江入廣江。陽江、銀江、相思江、荔水入灘江。

陸川、東安水、瀧水、新江、綏江入廣江。

湑水入廣江。杜安水、凌江水、朔水會湑水、黎溪。武水、翁溪、湟水入湑水。

龍川入廣江。西江、增江入龍川。

漢陽江入海。

鑑江入海。

廉江入海。

欽江入海。瓊海潮候。

元江入海。

瀾滄江入海。

樣備江入瀾滄江。西洱海入樣備江。

大盈江入海。

麓川江、潞江入大盈江。

今水經

黃宗羲 學

北水

河水 源出吐番朵甘思之南。曰星宿海。四山之間有泉百餘泓。湧出匯而為澤。方七八十里。登高望之。若列星。故名火敦腦兒。譯言星宿。其地在中國西南。直四川馬湖府之正西三千餘里。雲南麗江府之西北一

千五百里。較之崑崙。殆為近焉。東北流百餘里。匯為大澤。又東流。號赤賓河。又東。忽蘭水合。乞里出河。入之。其流寔大。始名黃河。又東北流。分為九派。復合為一。水始渾濁。又東行二十日。至大雪山。名騰乞里

塔。即崑崙也。繞崑崙之南。折而東。亦八思河入之。又折而北。納鄰哈喇河入之。哈喇河出西番白狗嶺北。西北流五百餘里入河。又折而西。乞里出河入之。又西。鵬穆河入之。鵬穆河出西番鵬穆山。西流七百餘里入河。復繞崑崙之北。又轉而東北。過大通城。又東北。

遶水西來入之。遶水出西寧州宿軍谷。東流五百里入河。河水又東北。至陝西河州城。又東。〔案別本無又東二字及下逕字〕北逕八十里。積石山。河水自大雪山至積石山。行約二十餘日。河水又東北。過西寧衛南。鳳林河從南來入之。河水又東。過河州。

北。湟水合浩疊河。音閣。浩疊河自甘州經山丹。永昌。涼州。至河州。北會湟水入于河。湟水源自西番。經西寧州。南過河州。北入浩疊河。從北來入之。

河水又東。至莊浪界。洮

水入焉。

洮水源出臨洮府城西南一百五十里西傾山東北流經臨洮府城西南西流會河州水北入于河。

河水又東過蘭州經靖虜衛北五里金水注之過寧夏衛

城東南四十里至衛境東北出塞外經沙漠三受降城折而南西入山西境由東勝州歷廢武州西北二

百五十里過延安府綏德州境東吃那河合奢延水自河套北來入之。

吃那河自宥州東南流至夏州奢延水西來入之又東流逕銀州入綏德州境東南

流入于河。

河水又南流逕延川縣東延水注之。

延水源出延安府安塞縣西北蘆關嶺東南流入膚施縣境逕長縣入于河。

河水又南逕石州寧鄉西入平

陽府境逕石樓永和大寧縣吉州出龍門口。

龍門山在河津縣西北三十里。

過河津縣西汾水入焉河水又南過榮河縣西

逕邵陽城東至朝邑縣洛水西來入之。

洛水源自慶陽府界東南流逕鄭州同官過朝邑縣南東入河。

河水又南過蒲州城西。

自河津至此凡九千餘里。

西流入之。

涑水源出絳縣為絳水逕聞喜夏縣安邑猗氏臨晉至蒲州入于黃河。

至華陰潼關渭水從西來注之河水又東逕芮城南過闕鄉縣北

又東過陝州北逕平陸縣南流五十里至底柱又東逕孟縣南又東逕洛陽北洛水從南來注之河水又

東逕鞏縣北溫縣南過汜水縣北濟水從北來注之河水又東過滎陽縣北至武陟縣東沁水從北來注

之河水又東過中牟縣北汴水入焉河水逕開封府至兗州府曹縣界分為二派其一東北流過濮州境

東南六十里同北清河。

一名會通河。

合衛以入海其一東南流至徐州同南清河。

一名泗。

由淮以入海。

黃河舊在開封府城北四十里。東至虞城下。達山東濟寧州界。洪武二十四年河決原武縣黑陽山下。東逕府城北五里。又東南至項城縣出境入淮。而故道遂淤。永樂八年復疏入故道。自是河分爲二。正統十三年又決。滎陽縣東逕開封府城西南。自是汴城在河之北矣。又東南逕陳留。自亳入渦口。又逕蒙城至懷遠北。而入于淮焉。

汾水 源出太原府西北靜樂縣北一百四十里管涔山。逕府城西二里。西南流。歷清源、交城、文水、祁縣至平遙、介休。過汾州城東二十五里。南入平陽府境。逕靈石、趙城、洪洞、臨汾之西。歷襄陵、太平之東。

案別本有

南過絳州、稷山、河津北過滎河。西注于河。

渭水 源出臨洮府渭源縣西二十五里南谷山。至鳥鼠山下。轉而東流。逕渭源縣北二里。過鞏昌府城

北五里。東流。漳水從西注焉。漳水源發漳縣西木寨坡西北。會西傾山水。西南會木市谷水逕南三里。東入于渭。

渭水東流至清水縣。清水西來注之。渭水

東流。逕鳳翔府寶雞縣治南。又東。汧水北入之。

汧水源出隴州西四十里岍山南。流逕汧陽縣至寶雞縣東入于渭。

渭水又東逕岐山。扶風二縣。入

西安府界。歷蓋屋、興平、咸陽。逕府城北五十里。又東。涇水會焉。渭水又東。過渭南縣北。至華陰界。沮水北

來注之。

沮水出白雲安府宜君縣至耀州富平。合漆河。漆河源出扶風。古漆縣西北。逕同官縣至耀。南同沮水至同州朝邑縣。東南入于渭。

渭水又東入于河。

涇水 源出平涼府界斧頭山。逕涇州。又東南。至邠州北界。馬蓮河從北來注之。

馬蓮河有二源。一名東河。來自沙漠。至慶陽府城合。關安

川及環溝水南流。與西河會。一名西河。源出環縣北七十里。為環江流。逕縣城西南。入安化縣界。逕慶陽府城西。名西河。合關安

涇水又

舊涇水谷溝下。馬汀諸水。由西轉南。會于東河。至合水縣西南四十里。為馬蓮河南流。入眞寧縣界。會九龍川。又南入涇水。

東南。過醴泉之東。涇陽之西。至高陵縣界。入于渭。
洛水 源出陝西商縣西北一百二十里。謹舉山。東流。逕洛南縣北五里。為洛河。又東流。入河南盧氏縣。

歷永寧。宜陽。又東。過洛陽縣南。澗水從北來注之。
澗水源出澗池。縣東北二十三里。白石山。東流。逕新安。洛陽東南。入于洛。洛水又東。灋水從北來注

之。
灋水源出洛陽縣西北五十里。營城山。東流。入于洛。洛水又東。至偃師縣。伊水從西來注之。
伊水源出盧氏縣東南一百六十里。閭頤嶺。東流。逕嵩縣。洛陽。至偃師界。入于洛。洛水又東

過偃師縣南。又東北。過鞏縣東。又北。入于河。

濟瀆 源發河南懷慶府濟源縣西八十里。王屋山下。曰沘水。既見而伏。復出于濟源縣西北三里。東流

為濟。有二源。東源周圍七百步。其深莫測。西源周圍六百八十五步。其深一丈。兩源合流。至溫縣。南入于

黃河。與河合流。又東。過成臯縣北。又東。過滎陽縣北。濟水性下且勁。過黃河之南。溢而為滎。往來若斷。若

續。或伏或見。濟水又東。過原武。又東北流。過陽武縣北。濟水又東。逕封丘縣北。為北濟。過封丘縣南。為南

濟。北濟又東。逕開州。又東北。過壽張縣西界。安民亭南。汶水從東北來注之。濟水又東北流。逕東阿縣界。